



## LXT191 Dysgu i addysgu leithoedd mewn Ysgolion Cynradd, Rhan 2

### Ffrangeg/Almaeneg/Sbaeneg/Tsieineeg

Mae'r modiwl hwn yn cynnwys dwy elfen graidd:

- modiwl Lefel 1 Y Brifysgol Agored** elfennol sy'n rhoi'r dewis i chi astudio naill ai Ffrangeg/Almaeneg/Sbaeneg neu Tsieineeg Mandarin. Bydd y pedwar llinyn iaith yn meithrin y sgiliau sydd eu hangen ar fyfyrwyr i siarad a deall Ffrangeg, Almaeneg, Sbaeneg neu Tsieineeg syml mewn sefyllfaoedd bob dydd, ac maent wedi'u cynllunio i alluogi'r myfyrwyr i gyflawni lefel o ruglder sy'n cyfateb i lefel A2 [Fframwaith Cyfeirio leithoedd Ewropeaidd Cyffredin Cyngor Ewrop](#) (CEFR). Mae angen dealltwriaeth ymarferol o Ffrangeg, Almaeneg, Sbaeneg neu Tsieineeg er mwyn astudio'r modiwl hwn, sy'n cyfateb i lefel A1 CEFR. Gellir meithrin y ddealltwriaeth hon drwy astudio modiwlau rhagarweiniol LXT192, LXT193, LXT194, LXT197, drwy astudiaeth gyfatebol yn rhywle arall neu drwy ymweliadau estynedig â'r gwledydd lle mae'r iaith darged yn cael ei siarad. Mae'r adnoddau astudio yn cynnwys llyfrau'r modiwl mewn fformat PDF, recordiadau sain digidol, gwefan modiwl benodedig a gweithgareddau ar-lein, y mae pob un ohonynt yn cefnogi dysgu annibynnol. Gyda'i gilydd, byddant yn rhoi ymdeimlad go iawn i'r myfyrwyr o ddiwyllianau Ffrangeg/Almaeneg/Sbaeneg neu Tsieineeg eu hiaith, yn ogystal â sgiliau iaith.
- Llinyn addysgeg â dull myfyriol cryf, sydd wedi'i gynllunio i feithrin y sgiliau sydd eu hangen arnoch i addysgu Ffrangeg i ddechreuwyr yn eich ystafell ddosbarth cynradd a meithrin sgiliau iaith a llythrennedd eich disgyblion. Mae'n archwilio'r ffordd bresennol o feddwl ym maes theori ac ymarfer addysgu leithoedd Cynradd, eich ymglyfarwyddo â chysyniadau addysgegol allweddol i'w hymgorffori mewn arferion ystafell ddosbarth dyddiol, defnyddio amlgyfrwng i'ch cyflwyno i ddulliau addysgu y tu fewn a'r tu allan i'r ystafell ddosbarth a'ch tywys i gymhwyso eich gwybodaeth newydd yn eich cyd-destun addysgu eich hun. Bydd rhan o'r gwaith cwrs yn digwydd ar wefan benodedig ac mewn tiwtorialau ar-lein, ond byddwch hefyd yn treulio amser yn rhoi cynnig ar yr hyn rydych wedi'i ddysgu a myfyrio ar hyn gyda chyd-fyfyrwyr.

Modiwl

Credydau

15

Dull astudio

## Dysgu o Bell

Mae'r gwaith cwrs yn cynnwys:

### Language

2 Aseiniad a gaiff eu marcio gan diwtoriaid (TMA)

2 Aseiniad rhyngweithiol a gaiff eu marcio gan gyfrifiadur (iCMA)

**Dim arholiad**

**Dim ysgol breswyl**

### Addysgeg

- 4 darn myfyriol ffurfiannol ysgrifenedig 300-500 o eiriau ar ffurf blog am y trafodaethau ymhlith y garfan o fyfyrwyr sy'n ymwneud â chymhwyso'r addysgeg a'r iaith a astudiwyd yn yr ystafell ddosbarth
- 1 darn myfyriol ffurfiannol terfynol ysgrifenedig 500-800 o eiriau sy'n crynhoi effaith y dysgu ym mhwm bloc y cwrs ar arferion addysgu'r myfyrwyr unigol, gan gynnwys cynllun i ddatblygu eich arfer eich hun ymhellach

## Yr hyn y byddwch yn ei astudio

### Language

Mae'r modiwl yn seiliedig ar un llyfr ac wrth ei graidd mae iddo'r elfennau canlynol:

- gwybodaeth hawdd ei defnyddio ac mewn darnau byr sy'n ymdrin ag iaith ac agweddau diwylliannol
- meithrin sgiliau astudio ac iaith graddol
- datblygu geirfa syml ac ymadroddion penodol
- deunydd sain, yn cynnwys recordiadau gan siaradwyr Ffrangeg cymwys ac amrywiaeth eang o weithgareddau siarad
- gweithgareddau ymarfer a phrofion hunanasesu i fonitro eich cynnydd
- clipiau fideo ar-lein rheolaidd i gefnogi eich gweithgareddau ymarfer.

### Addysgeg

Mae'r modiwl yn seiliedig ar wefan benodedig ac wrth ei graidd mae iddo'r elfennau canlynol:

- theori a gwybodaeth hawdd ei defnyddio ac mewn darnau byr sy'n ymdrin ag addysgu leithoedd ar lefel Gynradd
- meithrin sgiliau astudio ac addysgu iaith graddol
- deunydd clyweledol, gan gynnwys gweithgareddau ystafell ddosbarth go iawn ar gyfer myfyrio beirniadol yn ogystal ag amrywiaeth o fentrau cymunedol, megis dysgu yn yr awyr agored, sy'n amlgu sut y gellir ymgorffori leithoedd mewn amrywiaeth eang o weithgareddau ysgol Gynradd
- canllawiau ar ddysgu rhyngddisgyblaethol ac ymgysylltu â'r gymuned ehangach
- gweithgareddau ymarfer a phrofion hunanasesu i fonitro eich cynnydd
- deunyddiau ar gyfer eich gwaith ymchwil pellach eich hun yn y maes hwn
- trafodaethau grŵp cyfoedion ar-lein rheolaidd i gefnogi eich gweithgareddau astudio ac ymarfer.

Mae'r elfen addysgeg yn cynnwys cydbwysedd o theori ac ymarfer sy'n eich galluogi i ymgysylltu â'r ddau mewn amgylchedd cefnogol proffesiynol. Byddwch yn cael y cyfle i gymhwyso eich sgiliau iaith newydd yn eich ystafell ddosbarth gyda'ch disgyblion.

## Rheoliadau

Fel un o fyfyrwyr Y Brifysgol Agored, dylech fod yn ymwybodol o gynnwys y rheoliadau academiaidd sydd ar gael ar ein gwefan [Dogfennau Hanfodol](#).

## Yr hyn sydd wedi'i gynnwys

Y llyfr a gwefan benodedig gydag adnoddau a gweithgareddau ar-lein ychwanegol a recordiadau sain ar-lein. Fel myfyriwr iaith cofrestredig, byddwch yn cael mynediad i fforwm ar-lein lle y gallwch gyfathrebu â'ch cyd-fyfyrwyr.

## Bydd angen y canlynol arnoch

Clustffonau gyda meicroffon i siarad â'ch tiwtor a myfywrwyr eraill ar-lein yn ystod rhai o'r gweithgareddau astudio, a'r cyfleuster i chwarae CDs sain (opsiynol).

## Gofynion cyfrifiadurol

Bydd angen dyfais sydd â mynediad i'r rhyngwyd arnoch i astudio'r modiwl hwn oherwydd defnyddir porwr gwe i gael gafael ar ddeunyddiau a gweithgareddau dysgu. Nodir unrhyw weithgareddau cyfrifiadurol eraill y bydd angen i chi eu cyflawni, megis prosesu geiriau, defnyddio taenlenni, cymryd rhan mewn fforymau ar-lein, a chyflwyno ffeiliau i'r brifysgol i'w hasesu yn neunyddiau'r modiwl. Os bydd angen unrhyw feddalwedd ychwanegol ar gyfer y tasgau hyn naill ai bydd yn cael ei darparu neu bydd ar gael am ddim. Efallai y bydd angen breintiau gweinyddol arnoch i osod y feddalwedd.

Y dyfeisiau addas yw:

- Bwrdd gwaith neu liniadur Windows sy'n rhedeg Windows 7 neu system weithredu hwyrach
- Bwrdd gwaith neu liniadur Macintosh sy'n rhedeg OS X 10.8 neu system weithredu hwyrach.

Ni fydd rhai mathau o feddalwedd yn rhedeg ar ddyfeisiau Linux, iOS nac Android.

**Efallai** y bydd netbook, llechen, ffôn clyfar neu gyfrifiadur Linux sy'n cefnogi un o'r porwyr a restrir isod yn addas. Fodd bynnag, efallai na fydd y dyfeisiau hyn yn addas ar gyfer rhai gweithgareddau. Os ydych yn bwriadu defnyddio un o'r dyfeisiau hyn sicrhewch fod gennych fynediad i ddyfais bwrdd gwaith neu liniadur sy'n defnyddio'r system weithredu Windows neu OS X rhag ofn na fyddwch yn gallu cwblhau'r holl weithgareddau ar eich dyfais symudol.

Mae fersiynau diweddar o'r porwyr canlynol yn addas ar gyfer cwblhau gweithgareddau ar-lein.

- Safari
- Chrome
- Firefox
- Ymyl

Neu Internet Explorer 9 ac uwch.

Bydd defnyddio porwr sydd wedi'i uwchraddio i'r fersiwn ddiweddaraf yn gwella diogelwch wrth gael mynediad i'r rhyngwyd.

Gall defnyddio cyfrifiaduron cwmni neu lyfrgell eich atal rhag cael gafael ar rai deunyddiau ar y rhyngwrwyd neu osod meddalwedd ychwanegol.

Er mwyn gallu siarad a gwrandao ar ein trafodaethau ar-lein, bydd angen meicroffon a seinyddion/clustffonau.

Gall dyfeisiau sydd â sgriniau bach ei gwneud hi'n anodd gweld y deunydd a ddarperir a chwblhau'r gweithgareddau. Fodd bynnag, dylai dyfais sydd ag eglurdeb o 1024 picstel o leiaf yn llorweddol a hefyd o leiaf 768 picstel yn fertigol fod yn ddigonol.

Gweler ein gwefan Sgiliau ar gyfer astudio gyda'r Brifysgol Agored i gael rhagor o wybodaeth am [sgiliau cyfrifiadurol ar gyfer astudio](#) a chynigion addysgol ar gyfer prynu [meddalwedd Microsoft Office](#).

## Os oes gennych anabledd

Noder bod y modiwl hwn yn gwneud defnydd sylweddol o ddeunyddiau sain a gweledol. Darperir trawsgrifiadau llawn o'r deunyddiau sain, ac eithrio'r rheini a ddefnyddir at ddibenion asesu. Mae'r elfennau ysgrifenedig a llafar y gofynnir i chi eu cwblhau fel rhan o'ch asesiad yn defnyddio ysgogiadau sain ac o bosibl ysgogiadau gweledol. Mae'r deunyddiau astudio ar gael mewn fersiynau amgen ar ffurf Word i'w defnyddio gyda meddalwedd darllen sgrin. Maent hefyd ar gael mewn fformat dogfen gludadwy (PDF) Adobe. Efallai na fydd rhai elfennau PDF Adobe ar gael neu ddim yn gwbl hygyrch drwy ddefnyddio meddalwedd darllen sgrin, a gall deunyddiau iaith dramor fod yn arbennig o anodd eu darllen yn y ffordd hon. Gellir darparu fersiynau o'r deunyddiau astudio ysgrifenedig wedi'u rwympo â chrib ar gais hefyd.

Bydd angen i chi wneud defnydd sylweddol o gyfrifiadur personol a'r rhyngwrwyd. Os byddwch yn defnyddio caledwedd neu feddalwedd arbenigol i'ch helpu i ddefnyddio cyfrifiadur neu gyda'r math hwn o ddeunydd, fe'ch cynghorir i [gysylltu â ni](#) am gymorth y gellir ei roi i ddiwallu eich anghenion.

Os oes gennych ofynion astudio penodol dywedwch wrthym cyn gynted â phosibl, oherwydd gall gymryd sawl wythnos i drefnu rhai o'n gwasanaethau cymorth. Dysgwch fwy am ein [gwasanaethau i fyfyrwyr anabl](#).